

欽定全唐文卷五百十

陸長源

長源字泳之吳人歷汝州刺史貞元十二年檢校禮部尚書爲宣武軍行軍司馬以峻法繩下節度使董晉卒長源知留後爲兵士所殺贈尚書左僕射

僧常滿智眞等於倡家飲酒烹宰雞鵝判

且口說如來之教在處貪財身著無垢之衣終朝食肉苦行未同迦葉自謂頭陀神通何有淨名入諸淫舍犯爾嚴戒黷我明刑

欽定全唐文

卷五百十

陸長源

斷金華觀道士盛若虛判

本是樵童牧豎偶然戴幘依師不游元牝之門莫鑒丹田之義早聞僭犯苟乃包容作孽既多爲弊斯久常住錢穀惟貯私家三盞香燈不修數夕至於婢僕遍結親情良賤不分兒女盈室行齊犬馬義悖清廉恣伊非類之徒負我無爲之教貸其死狀尚任生全量決二十便勒出院別召精潔玉守務在焚修

上宰相書

月日太中大夫守汝州刺史兼御史中丞本州防禦使陸

長源謹奉書相國閣下相公以命世之畧應佐時之器發

文苑之鴻猷繼台庭之盛業聖上傾心以待相公之啟沃天下側耳以待相公之政理豈得與房杜異日而不與蘇宋同年哉某比在朝廷接君子之步武聽哲人之語言區區之誠願盡於此今上聰明英武自漢魏以來賢君哲后未有如今上者自臨極以來宰相未有如房杜蘇宋者何偶聖之有期而得賢之無路蓋有以也夫誠人之失亦由端其躬而後求影之直故宰相者導生人之本稽政化之源正辭以固之平氣以待之物有其官官得其人則提綱

欽定全唐文

卷五百十

陸長源

而綱目張振領而毛裘舉至如移制度平軍國事關社稷者斯在宸衷猶望宰相自古況今獻可替否其餘朝廷之常典羣司之闕務弛張由於下筆指顧在於一言使政歸常典理革前弊和氣決於下清風穆於上自然宰輔之事行弼諧之義暢何必捨其易而攻其難犯龍鱗之不測蹈虎尾而莫顧哉其宰相之寄也在於用賢賢不濫而人自理次於秉政政不撓而國自安用賢者除改是也秉政者賞罰是也其用賢也絕黨與捨憎嫌使韋弦各施輪轅通用頃者之用人也聲利以撓其心愛惡而昏其識以枉爲

直破觚爲圓除改出於門庭實罰隨其情欲求道行事舉其可得乎且尚書六司天下之理本兵部無戎帳戶部無版圖虞水不管山川金倉不司錢穀光祿不供酒衛尉不供幕祕書不校勘著作不修撰官曹虛設祿俸枉請計考者假而爲資養聲者籍而爲地一隅如是諸司悉然欲求綱目張裘毛舉其可得乎此宰相之職也且棟傾者正之則屋無壓焉之懼疾甚者攻之則人無侵疹之患正傾在於良匠攻疾在於良醫故政化失諫臣得抗疏以論之敗累與憲官得持法而繩之諫臣須審審匪躬之士憲官須

欽定全唐文

卷五百十

陸長源

三

孜孜嫉惡之人今悉求溫潤美秀沈默宏寬者爲之蓋北轅適楚圓鑿方枘欲求扶傾愈疾其可得乎貞元初兵戈初解蝗旱爲災邑多逃亡人士殍餘至使官廚有闕國用增艱王制曰國無九年之蓄曰不足無六年之蓄曰急無三年之蓄曰國非其國也三年耕必有一年之食九年耕必有三年之食以三十年之通雖有凶旱水溢民無菜色然後天子之食日舉以樂今歲豐年稔穀賤傷農誠宜出價以斂糴實太倉之儲豈可慢易於豐賤之日危急於凶荒之際比年國家和糴殆不得人文帳空存倉庫不實是

由賞罰之典曠姦濫之吏生此亦宰相擇人之過也某之州戶口減一萬兵數無二千夏率供秋秋率供夏儻四氣或爽一歲無年實恐投姦有虞爲累非淺况率土州縣其事畧同古人云旱則資舟雖在豐稔之時須爲凶險之備此亦宰相之職也蝗旱之時聖上憂畿縣凋瘵親擇臺省十人出爲畿令其後京畿稍理皆擢以大郡則聖上旌賢實功之意也頃來度支數符皆云刺史縣令以戶口減殿一人賦斂增最一人與者騫騰於廊廟嫌者沈淪於草莽欲求其爲惡者懼爲善者勸其可得乎此宰相之職也况

欽定全唐文

卷五百十

陸長源

四

今北虜和親賡費轉甚西戎作梗邊鄙未安所望求方召之才選甘傳之將聯營朔裔復河外之城振旅湟中收隴右之地且田單匹夫也敗樂毅乘勝之師謝艾書生也破麻秋勁銳之卒豈有其時而無其人哉在用與不用耳此亦宰相之職也太宗得房杜貞觀之政成元宗得蘇宋開元之業泰令相公居廟堂之上當台衮之任與房杜蘇宋列於青史寧肯昵親愛行肺腑踵覆車之轍哉某齒髮向衰志力猶在遇賢相逢明時亦願一豁平生少展微分不然者老於泉石亦求仁而得仁某再拜

嵩山會善寺戒壇記

嵩高得天下之中也所謂名山福地異人靈跡往往而有漢晉開高僧植貝多子於西峯一年三花因為浮圖遂為寰中之真境又有兩阜中斷豁為石門飛流紫回以噴薄喬木森竦以布護先是有高僧元同律師一行禪師鍾林崖之歆傾填乳竇之窳窳玆玉立殿結瓊構廊旃檀為香林琉璃為寶地遂置五佛正思惟戒壇思惟者以佛在貝多樹下思惟因名貝多為思惟即三花之義在此自河洛煙塵塔廟崩僂上都安國寺臨壇大德乘如修慈業廣乘欽定全唐文 卷五百十 陸長源 五

律道尊志度有緣法庇羣動慨茲堙墜遂為開微尋有詔申命安國寺上座藏用聖善寺大德行嚴會善寺大德靈珍惠海等住持每年建方等道場四時講律藏用上人逸躅徧尋高情獨邁美殿塔之嚴麗實泉石之勝絕其跡不朽其教益宏於是鐘梵相聞幡蓋交陰豈獨鐘峯名嶽空記遠公之行沃洲精舍重述道林之跡時貞元十一祀龍集乙亥大火西流之月也

唐東陽令戴公去思頌

建中元祀皇上新景命將致天下於仁壽之域以兵革盜

關一 間閣 關二 前 關一 之 關一 猶軫 關三 延度求俾又夏

五月壬辰詔書以監察御史裏行戴叔倫為東陽令 關三

也 關六 之閒城畫野藝女以東陽為劇先是山寇 關二 邑

人 關二 田 關二 萊人 關一 路 關一 聲 關一 之以信緩其賦

使其人舒平其役使其人勸由是田 關三 使有 關一 農人

或情業 關一 廬廢樹障公關防微銷斂編無以供 關七 以

字 關三 公 關一 之以勤 關二 使澤有浸由是桑柘茂隄塘修

平林接陰大壑含潤室有 關一 而 關二 人無 關一 而有 關七

字 者困於兼并完聚者苦於剽掠公董之以濬客之以 關四

欽定全唐文 卷五百十 陸長源 六

字 使之如 關一 然人懷日出之謠大 關一 夜吠之警政化

之 關九 貨賄 關一 聚公 關八 庭無事留物不易肆鞠茂草

於囹圄 關二 財於 關一 問公字幼公本譙國人也 關九 仕

之日履官之秋唯 關一 問 關一 之 關十 莫不負弩先驅包

茅爭入 關二 專百里之命化一邑之人 關二 割雞 關四 夫

字 關七 以親也權豪除盜賊屏教之以讓也關訟止商旅至

教之以和也 關三 帑藏之 關八 之事傳於郡國謳誦之聲

聞於里巷且藉 關三 人不偷 關十 阜於下副明主 關一 勞

之求成蒼生已安之業 關四 伏 關八 州之 關六 輔之才必

資於卓茂豈惟執憲殿內字關三中而已字關六等字關十盧清等一邑之彥也里正王永字關一厲曰家等十室之賢也及百姓徐文字關三等皆字關六逾忠良宰范陽盧公曰信以才望蹈公之遐躅以政事字關一公之令猷與丞字關一樂字關八太尉河南豆盧岫尉隴西李惟清字關一古立則字關二十之遺愛其辭曰

惟聖作又其運克昌化字關五賢良申命於字關一今乎東陽字關六斂重人散字關二公既賢舉亦以名揚簡以字關一下信以任字關十樹字關六路絕豺狼折獄止訟聚貨通商其俗則

欽定全唐文

卷五百十

陸長源

七

泰其人則字關十洋洋挹而彌廣久而愈芳巖巖貞石休有烈光

唐故靈泉寺元林禪師神道碑

并序

法本無生之謂真心因不染之謂寂執有求真之謂著體真歸寂之謂如非夫善發惠源深窮定窟何足以大明觀行獨秉禪宗使定惠兼修空有俱遣道流東夏聖齊北山哉禪師諱元林堯城人也俗姓路氏黃帝之後封於路國因而為氏捕虜將軍端見僞後燕錄豫州刺史永出晉中興書邁種於人嗣有明德禪師襟靈爽岸神氣雋遠生而

欽定全唐文

卷五百十

陸長源

八

克峽弱不好弄初遊神書府精意儒術觀百氏之奧窮九流之源平叔之疑義兩存康成之未詳多闕莫不窮蹟至妙剖析元理渙若冰釋朗然雲開並如枝拒蹶張步騎彈射人則曠劫藝皆絕倫後讀阿毗曇藏遂發心入道依龍興寺解律師學業依年受具隸居靈泉佛寺樞衣之歲惠遠即風雅書生落髮之年道融乃聰明釋子以戒為行本經是佛緣雅閑持犯克傳祕密學者號為律虎時人目為義龍推步渾儀昭明厯象天竺跋陀之妙沙門法願之能道契生知理符神機既習空觀遂得真如身常出塵心則離念將在此以超彼不自利以利他不來相而來不見相而見焚天香以崇發宏願鳴法鼓以召集有緣聲振兩河教被千里樹林水鳥竹葦稻麻願結道緣爭味禪悅雖先生槐市夫子杏壇攝齊之徒未足為喻於是廣度羣有大庇席情應悟攝心隨分獲益大雲含潤草木無幽而不芳明鏡懸空妍蚩有形而各兆嘗至城邑因過巷肆屠說停刀酒趙釋野擁路作禮望塵瞻顏師必款曲以情悅可其意捨資財以攝其利言力役以勤其生漸去客塵令入佛智有苛吏敗俗蠹政虐人伏以剛強示之簡易見方便力

去貢高心破其重昏歸以實相夫學偏者量稱道廣者業宏禪師智括有情德通無礙體含虛韻性有異能妙窮音律雅好圖畫季長公瑾別有新聲凱之僧繇皆得真跡以是好事君子翕然向風檀為施心居無長物有流離道路羈旅風霜鄉隔山川親無強近饑者推之以食寒者解之以衣人中之急難法中之慈濟也景龍三年敕追與僧元散同為翻譯大德累表懇請詔許還山禪師自居此寺凡六十年或宴坐林中累日忘返或經行巖下踰月不還跡異人閒行標物表每遊峯選勝建塔崇功驚若飛來鴈如

欽定全唐文

卷五百十

陸長源

九

踊出官黨杖標之所得自神人破塢移燈之處傳諸耆老今山上數十處有窠堵波者即其事也自金人入夢白馬員來譯音議於天竺布文字於震旦是為教本實曰道因禪師遍寫藏經以導學者德實無量行非有涯不惟總持辨才禪定智惠而已故騰聲洛下獨步鄴中齊達叡之大名繼稠融之遐躅噫日月大地咸歸有盡之源河海高山不出無常之境天寶五載十二月十日因閱僧務詣至德里回首西方端坐如定不疾而化春秋九十餘僧臘七十一日黑震驚車徒奔集雷慟雨泣臨谷填山粵以其月十

七日還靈坐於本寺禪師真身忽然流汗是知因生有滅乃現真空示聖出凡獨標靈相以八載二月十五日即身塔於寺之西北隅以安神也其夜霜霰凝山川草木皓然如素東帶雲門西連磬谷一佛二佛前身後身接林嶺之風煙成鄴衛之松柏禪師洞合神契妙通法源義則解空智能藏往先是寺中新植眾果弱未成林悉令沙彌扶之以杖其夜大雪折樹摧枯唯時小枝不動如故師之冥感多此類也門人等味道通經連州跨境歸宗雖倍入法益稀三千門徒皆傳經於闕里四百弟子空問道於襄陽

欽定全唐文

卷五百十

陸長源

十

弟子大通親奉音塵常陪庭院承官之歲初執勞以求師智稱之年載棄俗而從道調九候以除五疾明六度以伏四魔感自舊恩錄憑故事龕塔山古霜露歲深虎溪為陵高蹤不亡於別傳龍山若礪威德長存乎此詞其銘曰執有非有親相非相日離諸妄得法捨法悟空非空是出羣蒙日景常朗雲藏其耀無雲自照佛性常在欲生其塵無欲為真無相捨有出空離法大師宏業親日除雲無欲歸佛大師秘密茫茫羣有溺於中流濟之以舟冉冉八苦沒於五濁導之以覺因心發惠惠契於定道澄其性憑緣

有生歸於無理不存軀恒沙一劫藏舟閱水眞身去矣
連崗萬古雲門靈泉飛塔巋然

華陽三洞景昭大法師碑

夫載宇宙懸日月提萬象而首出者其惟道乎夫通聖神
該品彙冠百靈而獨立者其惟人乎道所以包渾元經始
萬象者也人所以稟淳粹司會百靈者也故人因道而集
祉道因人而垂休不宰之功兆乎造物無言之德洽乎生
民然後蕭散乎汗漫之間冲融乎希夷之表與天籟而吹
萬並谷神而長存者矣紫陽眞人大法師諱景昭字懷寶
欽定全唐文 卷五百十 陸長源

士

本丹陽延陵人也其先系自顓頊大彭之後在虞爲陶唐
氏在夏爲御龍氏在商爲豕韋氏因國命氏芬馥蔓延以
至於裔孫孟孟爲楚太傅賢爲漢丞相昭入吳爲侍中昭
兄慎爲司空法師卽吳司空之十六代孫也司空薨葬於
延陵子孫因而家焉祖道會父思藏皆邱園養素道高跡
隱載於列仙之籍法師方娠稟異自幼表奇孕元和之粹
靈體太元之妙質初以素書發跡配度於延陵之尋仙觀
後以丹臺著稱隸居於長安之肅明觀屬元宗廣成問道
姑射願神放心於凝寂之場垂拱於穆清之上法師因得

羽儀金籙頡頏玉繩藉藉京師垂二十載爰辭上國思還
故鄉重隸茅山之太平觀天寶中與元靜先生奉詔修功
德造紫陽觀因而居焉遂於鍊丹院傳黃素之方修齋醮
之法祥雲瑞鶴飛舞於壇場甘露神芝降生於庭院初法
師師事大法師包士榮榮師事崇元觀道士包法整整師
事上士包方廣廣師事華陽觀道士王軌軌師事昇元先
生王遠知知師事華陽隱居陶宏景自道源錫派元教傳
宗玉堂銀闕之人羽蓋毛旌之客府無虛籍代有其徒法
師至行稽乎元化通識合於靈造與其有也萬物不得而

欽定全唐文

卷五百十

陸長源

士

不有與其無也萬物不得不無得喪以春秋爲死生盈
虛以天地爲旦暮雲外虎頭之佩雪中鶴氅之裘孩季通
而撫子元師仇公而祖黃太教戒示乎傳授服餌見乎延
長侍杖屨者跡徧於江湖傳經籙者事同乎洙泗一居山
觀三紀於茲還神契乎時來寂魄同乎物故以貞元元年
十一月癸卯委蛻於紫陽之道場顏色怡悅屈伸如常春
秋九十有二以其月已酉還神於雷平山之西原元靜先
生壽官之左傳授蘇州龍興觀道士泉洞虛得冲虛之妙
用躡上眞之元蹤梁市之客員來華陽之人聞出矣道士

章崇珣主修齋醮祭俯仰節度道士朱惠明掌法錄經書
修真秘訣法師上編仙籙旁契道樞神含混元德與淳粹
誘進羣動感通眾靈邈然非寰宇之間超然在風雲之表
至如身纏世故跡混俗塵發忠孝以飾躬演信義而旌行
蓋隨時而不器豈常道之可師與浙江東西節度支度判
官檢校尚書兵部郎中兼侍御史扶風實公曰臬布武區
中棲心象外與法師聲同道韻理契德源追往想琴高之
祠傳神著務光之傳見徵副墨用琢他山其詞曰

惟道之大提功混茫惟人殆席與道迴翔素韻凝寂元功

欽定全唐文

卷五百十

陸長源

三

靈長肇形無迹啟迪逾光矯矯法師錫羨華陽本族命世
在虞系唐御龍事夏豕韋居商嶷然靈表自幼而彰理冠
容成質倅夏黃尋仙發跡肅明始揚宵禮金殿晨朝玉皇
丹臺道侶白雲帝鄉楚山萬里故國丹陽醮官鳴磬齋室
焚香芝生庭院鶴舞壇場茅君秘洞葛氏真方來時去順
齊彭洎殤化鱗風翥委蛻雲驤峯巒遷迤松桂蒼蒼塵生
杖屨苔染巾箱龍銜彩旄虎綴槃囊聞風元圃瑤軒玉堂
追存如在頌德不亡孤石歸然萬古連岡

太平觀道士徐元沼道士許長

久徐則內行克修外通儒學
許則宿推公幹度奉真宗

戴叔倫

叔倫字幼公潤州金壇人釋褐秘書省正字累官祠部郎
中拜撫州刺史封譙縣男遷容管經畧使貞元五年卒年
五十八

賀平賊赦表

臣某言伏奉某月日制書大赦天下雪滌痕累發生枯朽
榮光被於草木和氣貫於華夷含生之徒罔不胥悅臣聞
氛沴爲妖蒙蔽二曜而祥風埽蕩無損日月之光狂逆亂
常震驚四海而元功勘定不虧天地之大伏惟皇帝陛下

欽定全唐文

卷五百十

戴叔倫

五

文武繼聖聰明在躬協堯舜之心崇禹湯之德清廟禮展
園丘敬申猶願已以求瑕布恩澤以原過康哉沛乎虞夏
之盛典也臣忝職藩條實慙尸曠徒積歲星茂聞化理望
九重而稱慶齒百辟以霑恩瞻戀闕庭慶快之至

意林序

三聖相師大易光著天地之功立矣經傳之功生焉輔成
一德謂之六學漢收秦業其道方興置講習訓授之官明
君臣父子之體雖禮樂文闕亦足以新忠孝仁義之大綱
至如曾孔荀孟之述其闕一蓋數百千家皆發揮隱微羽

翼風教祖儒尊道持法正名縱橫立權變通其要崇儉而有別卽農而有序旁行而不流小說去泥而篇簡繁夥罕備於士大夫之家有梁潁川庾仲容署其要會爲子書抄三十卷將以廣搜採異而立言之本或不求全大理評事扶風馬總元會家有子史幼而集錄探其旨趣意必有歸遂增損庾書詳擇前體裁成三軸目曰意林上以防守教之失中以補比事之闕下以佐屬文之緒有疏通廣博潔淨符信之要無僻放拘刻讎蔽邪盪之患君子曰以少爲貴者其是之謂乎余元會之執友故序而記之貞元二年

欽定全唐文

卷五百十

戴叔倫

五

五月二十一日也

李方郁

方郁建中時官洛陽令

修中嶽廟記

上四年用大司計侍郎爲丞相其明年以我相秉樞機我公掌綸詔宜爲避嫌遂自閣下拜河南尹將辭上悄然謂公曰前時洛水爲災洛民大潰四走無逃至有沒死者豈勝其冤耶而公今去我無東顧之患矣公旣至理事先以恤民爲寄活生瘞死大開廩庾賑貧乏飽饑腸暖寒體極

於畿甸靡不周悉而又蠲逋租省徭賦俾安穩其起居勤強其事業故遠邇之民相賀而歌曰天災流行今代有下民昏墊今時數命無以逃今諒自嗟豈將天怒我尹之慰恤今實解子之愁苦夫得耕兮婦得織日出得作今日入得息此固我君之憂民兮俾我尹之來卽又歌曰明明在上今天子聖四方取則今我公令疲民蘇息今公之政一日將去今誰活我之性命其都之南嵩嶽橫亘其嶽有廟距都百里每歲季夏日直土用御置祝文用犧牲粢盛醴齊庶品詔我公有事於玉禮既公周視廟宇堂殿廊廡見其崩墜圯毀剝癯頽墮垣墉漫靡棟棟失次梁柱差欹顧謂其邑令李方郁曰吾聞大地列岳五嵩山居其一其嶽峙中天羣峯蒼翠異色其岡巒重疊異狀其出雲靈變異氣其草木森聳異岵其葩卉蒼翳異香其禽鳥閒關異聽其溪澗澆澗異流若此之狀觸目周匝四時迭觀吞吐氣象環一山之上道官佛寺高閣危樓盡萃其中我國家以神之靈塑神之形俾神之明福我蒼生我我其冠整整其衣兵仗駢列羽衛參差天子以時視三公禮而祀之要神之德旣厚矣報神之功亦重矣所宜威壯形容華煥官宇

欽定全唐文

卷五百十

李方郁

五

奈何以危毀至是俾爾民之進拜禱祝將何瞻仰乎我今
出府庫十萬資以功用爾宜專其事俾爾心與吾心不可
以異方郁謹再拜受命退而自言曰方郁爲吏稟指使上
不敢罔公中不可欺神下不能苦民豈可不成耶遂鳩工
庀材四旬而就見若赤白之交映矣見若金碧之分輝矣
見若榛栢之紛繪矣見若斗拱之光赫矣見若簷溜之轟
截矣見若溝壟之端隆矣見若戶牖之照燭矣見若垣墉
之齊削矣旭日明媚夾壇殿之飛翬朝霞卷舒助峯巒之
起秀則知公之措制可以邁古冠今使海內神廟修潔崇

欽定全唐文

卷五百十

李方郁

七

盛無逾於中嶽公天發晶朗嶽鍾秀粹羣妙符識萬頃澄
襟瓊樹冰壺涵澈於神宇黃鐘朱瑟鏗奏於文章况公尹
正之能撫民之美愚知其不日而將與吾相連枝於台座
之中致美於廟堂之內將吾君爰立於堯舜之上措吾民
登壽於邃古之際必矣方郁忝官在縣行及秩滿特蒙公
錄以微績上表量留付之修飾輒敢敘德紀事刻石以記

欽定全唐文卷五百十一

鄭絪

絪字文明由進士宏詞高第累擢翰林學士轉司勳員外
郎知制誥憲宗監國遷中書舍人卽位拜中書侍郎同中
書門下平章事罷爲太子賓客出爲嶺南節度使歷兵部
尚書河中節度使大和二年以太子太傅致仕三年卒年
七十八贈司空諡曰宣

初日照露盤賦

以雲表清露光
發金景爲韻

日初出兮露成文盤既潔兮光乍分凝素彩而泛灑鮮穎
欽定全唐文

卷五百十一

鄭絪

一

氣之絪縕忽炯爾以流景乍揭然而拂雲若乃勢倚金莖
色映霞表倒初景以搖颺澹輕煙之縹緲承露華以逾明
焜霽色而共曉煥然孤秀赫奕奕於長川爛爾生光照翻
翻之高鳥盤以貞兮露以盈日旣明今天以清焜以相鮮
若曙月之臨朝鏡粲然交映類瓊華之雜玉英金景發色
玉壺奪明數皓質以流耀含太陽之至精伊昔漢帝初營
求仙是務我皇復立承天有裕乍髣髴於帝臺宛照彰乎
天路首出庶物表一人之大明光發四施照萬方而遐布
豈有屑瓊蕊泣珠露冀靈物之來遊望神人之自過懿夫

合以成象麗然增光于浮雲以杲耀激旭日而悠揚仙掌
斜分若蓮峯之曙景宸心迴想如崑岫之晴霽豈比周穆
西遊覲王母於崑岳重華南狩怨帝子於瀟湘獨能覩雲
關而飲靈漿者乎徒觀夫素色上升清光下發分迴彩以
照耀煥長空而超越日華映兮先復臨露彩揚兮色彌深
既炫晃以如玉乍晶明而散金且孤高者可擬之以抗志
潔朗者亦仰之而爲心况地表煙息天維氣整日之麗矣
與星明而共融盤實堅然齊聖祚之悠永昔之頌靈液歌
浪井曾不如賦露盤之瑞景

欽定全唐文 卷五百十一 鄭炯

二

冊皇太子敕詔

惟先哲玉光有天下必正邦本以立人極建儲貳以承宗
祧所以敬迪大猷安固洪業斯前代之令典也皇太子純
體仁秉哲恭敬溫文德叶元良禮當上嗣朕奉若丕訓憲
章古式永惟社稷之重載考春秋之義授之七鬯以奉養
盛爰以令辰俾膺茂典今冊禮云畢慶感交懷思與萬方
同其惠澤自貞元二十一年二月二十四日已後至四月
九日昧爽已前天下應犯死罪者特降從流流罪已下各
減一等文武官常參官及諸州府長官子爲父後者賜勲

兩轉古之所以教太子必茂選師友以輔翼之俾法於訓
詞而行其典禮左右前後罔非正人是以教諭而成德也
給事中陸質中書舍人崔樞積學懿文守經據古以參講
習庶叶於中可充皇太子侍讀天下孝子順孫先旌表門
閭者委所管州縣各加存恤五嶽四瀆名山大川委所在
長吏量加祭禮

立廣陵郡王爲皇太子詔

萬國之本屬在元良主器之重歸於長子所以固社稷正
邦統古之制也廣陵郡王淳孝友莊敬慈仁忠恕博厚以

欽定全唐文 卷五百十一 鄭炯

三

容物寬明而愛人祇服訓辭文皆合雅講求典禮學必承
師居有令聞動無違德朕獲續丕緒祇若大猷惟懷永圖
用建儲貳以承宗廟以奉養盛爰舉舊章俾膺茂典宜冊
爲皇太子改名純仍令有司擇日備禮冊命

順宗傳位皇太子改元詔

門下有天下者傳歸於子前王之制也欽若大典斯爲至
公式揚耿先用體文德朕獲奉宗廟臨御萬方降疾不瘳
庶政多闕乃命元子代子守邦爰以令辰光膺冊禮宜以
今月元日冊皇帝於宣政殿仍令檢校司徒平章事杜佑

充冊使門下侍郎平章事杜黃裳充副使國有大命思俾
惟新宜因紀元之慶用覃在宥之澤宜改貞元二十一年
爲永貞元年自永貞元年八月五日昧爽已前天下應犯
死罪特降從流流罪已下各減一等布告中外咸使聞知

太微宮神主祔太廟奏

臣謹詳三代典禮上稽高祖太宗之制度未嘗有並建兩
廟並饗二主之禮天授之際祀典變革中宗初復舊物未
暇詳考典章遂於洛陽創立宗廟是行遷都之制實非建
國之儀及西歸上都因循未廢德宗嗣統隆典克修東都

欽定全唐文

卷五百十一

鄭綱

四

九廟不復告饗謹按禮記仲尼荅曾子問曰天無二日土
無二玉嘗禘郊社尊無二上所以明二主之非禮也陛下
接千載之大統揚累聖之耿光憲章先王垂法後嗣况宗
廟之禮至尊至重連經續祀時謂不欽特望擇三代令典
守高祖太宗之憲虔鑒神龍權宜之制遵建中矯正之禮
依經復古允屬聖明伏以太微宮元皇帝三代睿宗文武
孝皇帝神主參考經義不合祔饗至於遷置神主之禮三
代以降經無明文伏望委中書門下與公卿禮官質正詳
定敷付所司

謝賜神刀食金等狀

右今日中使某至奉某月日墨詔賜臣前件神刀及食金
五挺并合子鎖等臣遠赴藩鎮上軫聖憂俯降王人特頒
寵賜暢威懷於遠服佩以神刀矜微劣之庸軀賜之靈藥
捧受戰越以忭以驚臣卽以今日發藍田縣關庭漸遠道
里猶長瞻望天顏感涕交集無任戴荷結戀之極

謝借飛龍馬二匹狀

右中使某至奉敕旨借臣前件馬至京兆府界者王人在
門天驥臨路寵光荐及行色增輝上感恩私何階荅效自

欽定全唐文

卷五百十一

鄭綱

五

臣叨承戎寄累軫皇慈念輸力於外藩降逸才於內廐分
憂未酬於聖主代勞已及於微臣雖驚鈍莫施而疲羸頓
解再馳猶勤於遠道三接已及於帝畿卽以某日至京兆
府界迴瞻魏闕目斷白雲祗事王程指期丹徼無任感戀
之至

爲易定張令公進鷹龍狀

右件鷹臣去秋來頻令入草一一揀擇皆有所能試其搏
擊下韜必中伏以上圓五方固多殊異之選下土一物實
表臣子之誠敢望備羽獵於長楊從蒐狩於天仗輕瀆疏

虞無任屏營之至

臘日謝賜口脂歷日狀

伏以王人戾止天書遠降於閭川星躔既回黃歷猥頒於遐服推步允符於聖祚先天克合於歲功三百六旬斯須而咸覩二十四氣瞬息而可知又賜以蘭膏錫之絳雪眾香流澤芳潤忽先於悴容五藥蠲痼瘴癘潛銷於膝理仰榮知忝承寵益驚闐闐九門歲時結總於雙闕方隅萬里展效期激於丹誠數惠未洽於遠人拜賜濫同於重鎮觀風察俗志有立於涓塵比物省躬恩何酬於覆載臣某不

欽定全唐文

卷五百十一

郭雄

六

勝歡躍屏營之至

朝覲遇節進奉狀

右臣伏以古者諸侯入覲必奉贄幣或以車馬或以珪璋用展誠敬著於典禮臣繆領藩鎮獲覲闕庭幸遇昌辰又當佳節用增聖壽以表微誠前件馬及器物謹差嶺南節度押衙某隨狀奉進至微至薄無任慙惶伏願如日之升如天之福垂莫大之慶保無疆之休於萬億年永康四海臣不勝懇款之至

郭雄

雄官尚書比部郎中從德宗幸梁州遇害贈同州刺史

忠孝寺碑銘

忠孝行之本也儒釋教之宗也信順勤於行本修證立其教宗精一也故太子賓客贈太子太保范陽盧公正已頃節制此道陳情奏置佛寺乾元元年三月十三日詔下而錫其名稽諸前人崇定非一求有微名顧實若斯之美君子曰本教為孝資孝為忠太保對揚殊休偃俯無讓積於善者繁祉必應先於天者虔誠是歸道超三界之謂先德垂後裔之謂積太保先君河南府士曹參軍贈太子詹事

欽定全唐文

卷五百十一

郭雄

七

履冰任蒲江縣尉太保生於蒲江太保自省郎守通川由通川累劔南節度屬賊臣猾夏鑾輅巡方內輯黎甿外興軍旅日月迴燭氛沴銷清故可以彰厥誠祈厥名申願力而闡皇明寺居縣東二十里南去主簿化十里西去靈泉寺五里緇黃高士契來遊寺前三十步名龍潭水流入江寺後三十步有古放生池幽遠平川草樹終古無絕乘時遡新初拍當州大德僧二十一人在上座戒暉餘或歿或歸碑陰具述又一十二人精選新人亦同勒名真像粹容長廊廣殿龍象相屬緝緝增輝昔文翁以經籍興儒張天

師以階籙興道太保以忠孝興佛備茲三教語無異源如仰冥鴻誰爲甲乙儒之濟理旁兼老釋孝之飾躬動循愛敬太保守端跡俾進多門拜刑部侍郎奏獻平簡留司分守洞療昭蘇官歷三朝望高二府顏子之行宣尼說之矣詩曰媚茲一人應侯順德永言孝思孝思惟則於太保見之矣太保嗣子幹今吏部侍郎雄早趨風教邛州刺史博陵崔作詞場之舊錄事參軍紇干著文吏之能與上座暉公寺主遺維都維那道義及蒲江縣侍老王璿等皆景善良實期雄直欽銘曰

欽定全唐文

卷五百十一

郭雄

八

道筌眾妙儒教彝倫各專一教釋廣三身此生不住彼劫憑因勲功定力上願能仁生食無報身心未泯覺路求通慈舟俟引天書降鑒君子顯允兩致不差四維而准日官月殿化宇靈廟精識緇黃高情華皓瞻山仰峴坐樹思棠薪傳燈續實茂聲長

周存

存德宗時人

觀太學射堂賦

以事變儀存猶以識禮爲韻

觀射堂之攸設知射侯之有以非取善於主皮蓋緝心而

正已故王用制之而諸侯是務擇以習焉而射官觀美莫不比乎禮樂和其容止將申明於德行必審固夫弓矢皇家之闡化也稽古議酌前修茲宇旣啟茲道惟休職備乎司射事集乎司裘采蘋采芣乃施有度以熊以豹實命不猶是用外直諸體內正乎志循聲而發彼有的得祭而益乎爾地苟斯義罔取或承之羞旣於德可觀則無不利豈徒稱善者五舉正者四誠有國之恒規而擇賢之盛事曩者天下無虞羯胡生變動搖我區域幸營我方面救弊者權必反常以合道靖難者武故訓人以知戰於是大閱禮

欽定全唐文

卷五百十一

周存

九

行大射義息司馬無祭侯之事梓人罷棲鵠之職蓋弛張之道因時而沿革之宜可識方今寰海謐如以無事射堂歸然而獨存絲侯不張而遠國來屬貢士不習而盛德必敦故夫五帝殊儀三王異禮咸登太和與至理莫不雍雍而濟濟是知崇樂非鐘鼓之器立德爲正鵠之體也鄙生乎堯日選乎璧池達弓矢之妙旨偉棟宇之宏規儻斯道而可復庶當見擇之刑儀

瑞龜游宮沼賦

以題爲韻并序

王者嘉瑞曰四靈龜其一也皇帝握圖御寓十有一年秋

七月旬有一日龜雄雌各一游於內池甲耀金毛文滋綠
彩帝乃出示百官以議其瑞僉曰至德之應也少司成命
文士賦以美焉敢布下才同夫體物賦曰

介蟲之長實曰靈龜明陰陽以應化察利害以俟時於穆
我皇德無不揆睿澤洋溢神物來萃雖四靈其必臻懿雙
龜以時瑞陋眾水而不處選天池以自寄金甲炫晃帶璧
日以流光綠毛丰茸度薰風而含吹不喋喋於蘋藻恣東
西於荷芰爾其有金者剛有毛者柔示剛柔之合體表刑
德之具修昭品類之得性備雌雄以共游信皇德之上達

欽定全唐文

卷五百十一

周存

十

俾靈物之告休觀乎巡金塘樂翠沼晦跡無競凝神不擾
引修頸而鳥伸動圓目而珠皎映紅蕖而灼爍吸清露之
縹緲天資獨智笑漁者而縈羅人謀既藏鄙太卜之問兆
若夫百莖著下九派江中順眾流而五色斯易邁千齡而
片雲在空豈比夫承天眷感宸衷盼青瑣兮鄉紫宮顧毛
生之可寶瑞皇室兮無窮

太常新復樂懸冬至日薦之園丘賦

以題中字爲韻

聖人之作樂也將以同和於天地崇祭也將以合真於鬼
神繁有倫而六宗不忒樂具象而萬國以親皇家握乾符

以御寓廣樂教以同人雖功成而有作亦襲古而彌新徽
如繹如風俗咸和而自化擊石拊石鳥獸率舞以來馴頌
以賊臣不順悖於典常震驚我師旅竊犯我紀綱禮樂之
儀雖可久而可大文武之道亦一弛而一張是以七德興
而有輯六樂缺而未彰今五典丕用百度載光海外懷仁
以有截天下好樂而無荒帝乃誕敷文教式奏薰絃命太
常以修樂將享帝而配天於是繩五元以氣應考八能而
術全侈弇不興鳧氏之規惟妙上下合度磬師之法可傳
爰設業以設簾備官懸與宿懸爾其金石具陳執鼓閒出

欽定全唐文

卷五百十一

周存

士

和其夏擊節以徐疾五色不亂以成文八風不姦而從律
大章彰之已合陶唐之代韶盡美矣不惟有虞之日既而
樂復音和仲冬日至屆殷薦之祭典將孔明於祀事用享
乎上帝乃奏夫圓丘撞黃鐘而角動扣太簇而徵流大不
踰宮而清濁迭和細不過羽而終始相酬是以六變而天
神可禮九成而帝德惟休大禮畢雅音收居清穆以合理
思宥密而爲猷雖化洽時和惟善政所致而風移俗易將
復樂之由

授衣賦

以霜風轉屬遊子未歸爲韻

二儀幹化兮四運環周大火中而退暑白露泫而成秋元
鳥去巢望雲海以幽熱旅雁違漢指煙江而遨遊農事云
就婦功幸修感蟲鳴之促織念客恨之衣裘慮之云誰彼
姝者子弄機杼以成績秉刀尺以循理揣其修短運纖手
以俱營善乃規模敏惠心而獨揆爾其上下有序度量有
常咸循故以取制豈崇異而違方隨貴賤以合則處元素
而有章伊四人之所授必九月之降霜彼美衣工獻華服
之楚楚彼都人士被狐裘之黃黃清霜既降商飈亦厲衰
草萎庭墜葉流砌氣蕭瑟以增冷天沈寥而澄霽雖人將
入室知所以戒寒而時或無衣則何以卒歲是乃背幽風
者無備遵月令者有繼也若乃白日向昏愁雲四展歸鳥
時聚斷蓬孤轉風生虛室之寒服念輕裘之善則晏平仲
悔累年之未易桓將軍授新衣而不遺也爰有別江山之
墨客遊他鄉而未歸驚歲序之云暮恨籌謀之尚遲矧夫
搖落秋聲淒切霜氣巡階除而不樂撫心曲而誰謂且士
有知己而我獨無人皆授衣而我獨未因感時而增歎聊
作歌以自慰歌曰秋霜落兮歲已終秋雁吟兮悲遠空短
褐不完兮憂思充庭樹蕭蕭兮冷暮風

欽定全唐文

卷五百十一

周存

三

裴冕

吳德宗朝官劍南西川節度使

舉杭州刺史章臯自代狀

右臣在福建與章臯鄰近諳其為政甚得人心逃亡悉歸
遠近皆悅頃在京兆以公造出官今領餘杭以理行高第
馮異漢之名將初為赤眉所敗俄又大勝光武降璽書勞
曰昔雖垂翅回谿今乃奮翼澠池可謂失之東隅收之桑
榆矣臣以為章臯之功亦馮異之比往雖小失今亦大理
陛下既捨其過而使之則必激勵其氣百倍匹夫一言相
為而死况君臣之義誰不感恩

欽定全唐文

卷五百十一

裴冕

三

欽定全唐文卷五百十二

李吉甫

吉甫字宏憲趙郡人御史大夫栖筠子憲宗朝爲翰林學士轉中書舍人知制誥元和二年擢中書侍郎同中書門下平章事封贊皇縣侯徙趙國公出爲淮南節度使六年復入秉政九年卒年五十七贈司空諡曰敬憲改諡忠懿

睿聖文武皇帝冊文

維元和三年歲次壬子正月癸未朔十一日癸巳攝太尉銀青光祿大夫守兵部尚書兼御史大夫上柱國趙郡開

欽定全唐文

卷五百十二

李吉甫

一

國公臣李異及文武官五千七百九十四人等言臣聞自天元而升地黃而凝皇王之道堯舜首出故典謨述焉自堯及唐歷紀三千致理之君不過十數升平之運不至五百天人之交際不其難歟我唐運之興昌期是膺四海一統十聖丕承以至於皇帝則君十一而年二百矣歷考前代丁於斯時皆王澤已竭君明寢替未若我后之維新厥命我唐之中興厥祚顧視周漢不其茂歟伏惟皇帝陛下紹太宗之英武稟德宗順宗之寅畏乾乾翼翼若不滿志故愛於文母順色之孝也睦於兄弟因心之友也崇謙讓

欽定全唐文

卷五百十二

李吉甫

二

察邇言去疑謀杜讒說俾王道正直砥爲夷塗發前聖之韞匱披人文之光耀而氣有沴者反時爲妖若黎崇之不得苗人之逆命或誕敷文誥或震疊武功聖造不疾而速非陛下疇能之然後奉四表之歡心總百神之受職蠲祀於清廟嚴禋於上元天地察而神祇著矣臣聞之君人者謙遜靜懿則天應之以福故休祥出焉慈仁愛育則人應之以誠故鼓舞從焉王者因人心稽天意天下俱應而徽號加焉至公之道不可辭也臣等所以勤勤懇懇至於再至於三願奉鴻徽以彰休德陛下猶三揖而五讓之久而罔已始降俞詔於是百辟卿士洎四方侯衛之臣上言曰陛下誕睿聖之姿應會昌之期經天地之謂文禁暴亂之謂武臣等不勝大願謹奉玉冊玉寶上尊號曰睿聖文武皇帝惟陛下懋一德勤萬邦千祿百福垂唐之無疆

賀赦表

臣某言伏奉某月日制大赦天下至德純茂鴻私溥洽中賀臣聞聖人紹統必建元良王者郊天是崇嚴配伏惟寶應元聖文武皇帝陛下嗣守鴻業光膺駿命奉先思孝誠已達於幽明立嫡以長義仍深於燕翼皇猷允塞隆禮咸